

舟州山人四部稿卷之五十三

吳郡王世貞元美著

詩部

七言絕句五十二首

由鄭江抵均州即事

下江雙槽鳴啾啾上江槽聲亦不柔
今春三月桃花水不似常年竹箭流

其二

龍渦淺濶砢然鳴小灘大灘勢欲爭
掉入前壑渾不見還從開口出歌聲

其三

大石奮攫獅王身小石橫牙不可馴
若令水清能見底更有眠虬愁殺人

其四

落日未盡新蟾作無那層崖點不開
一線金波初欲動錯疑神女送珠來

天柱峯

以下太和山諸詠

生平漆室意堪憐見語中峰便躍然
盤到最高金頂上依然無際對藍天

顯定峰

顯際神光無處踪
定時賢劫不相逢
老夫擬向峰頭
住自取捷槌撞曉鐘

皇崖峰

雨脚霏霏暖不收
皇崖風起忽成秋
浮雲半捲青天
外一線襄江抱日流

大小筆峰

七曜天文萬古看
長餘綵筆挿空寒
欲書人鳥宮中
事龍漢年來寵史官

七星峰

天上白榆秋歷歷
人間翠嶺畫亭亭
自從題壁新詩

就北斗行中見一星

中笏峰

手板三時朝紫宸天符九錫下青旻自能鶴禁辭王
位不向高真道寡人

千丈萬丈二峯

高峰掃地一萬丈低峰突兀千丈餘三山琪樹稍加
汝二華蓮花恐不如

大小蓮花峰

大蓮花峰房欲披小蓮花發蕊離離莫輕游子無僂
骨我解栽花發火池

落帽峰

戴僊掉頭躡白虹有帽却墮罡風中不憂天帝爲絕
倒何物人間老禿翁

白雲峰

春來元氣日氤氲大巖小巖屯白雲山人自是陶弘
景縱有那應分贈君

大明峯

燭龍雙炬破南荒散作峰頭萬疊光縱有天雞
聽不煩紅日起扶桑

五老峯

前年踏雪匡廬過今年暮春游太和五峰老人如舊
識不似當年白髮多

三公峰

金頂煒煌帝座開三峰那不號三台雨後前山飛瀑
過共言天上白麻來

九卿峯

窈窕崔嵬面面逢九霄青對九芙蓉欲知身染烟霞

色香案前頭第四峯

予前爲太僕
於九列第四

僊人峯

瑤花琪草徧僊山山色長依天地間莫道五通無一

驗也能雲雨向人間

獅子峯

調刁風過忽雄鳴一竅能瘖萬籟聲
後吳尋狐兔跡只今羆虎不留行

紫霄峯

千崖過雨欲黃昏鐘鼓朝真未掩門
自是此山饒紫氣不關曾著五千言

香鑪峯

日氣初濃雨色孤青烟片片起香鑪
還將一瓣祈天帝乞取真形五字符

展旗峯

獵獵峰旗空際磨千山草木見還無天策府中玄甲
隊淮南節下黑雲都

玉筍峯

初開噫氣吐青蘋萬木峰頭自起皺却似涓滴春雨
後籜龍無際欲張鱗

丹竈峯

縹緲僊踪未可非至今猶說彩雲飛祗愁天地終須
盡煉得丹成無處歸

天馬峯

網緼滅沒不可求矯若長空騰紫騮天上房星應不

謬人間此嶺屬房州

此峯獨屬房州

鷄鳴峯

喔喔天鷄三兩聲招搖北指漢南傾九關應是無豺
虎排比雲輜覲玉京

九渡峯

曾介長房謁汝翁壺中天地儘堪容只教三試還難
過九渡深溪九渡峰

伏魔峯

三尺青瑩太乙波鑄成魔欲奈吾何山深莫道多魔

事屈指人間事事魔

松蘿峯

清泉古樹坐盤陀
覽處無多會處多
土木時來俱綺繡
茲峰不改舊松蘿

會僊峯

王母戴勝凌弱波
上元夫人持底過
雙成拍手爲余唱
少壯幾時柰老何

眉稜峯

八字春山淡淡秋
微雲如黛雨如油
自從名挂朝元籍
縱有眉稜不繫愁

金鎖峯

鐵柱洪都壓恠螭龜山金箬繫支祈何如玄帝峰頭
鎖問着僊人總不知

陽鶴峯

老鶴巢杉硃頂圓欲充僊騎上青天何當羽客偏多
肉拳足寒雲不記年

紫蓋峯

飛符霹靂走逡巡玉節珠幡總不真若說古來蛇虎
飯不知何限謫僊人

大夷峯

大夷峰頭天地寬不似武夷山九盤寄語潯陽江上
客游時莫作小姑看

玉虛巖

葛巾藤屨白蕉衫偶帶中臺獨坐銜原是玉清宮裏
客不教長住玉虛巖

常春巖

道人高卧崑山崖時挾青童酣紫霞戴勝長鳴三月
候條風不斷四時花

崇福巖

若論太上高真福黃閣如雲不要開麤衣淡飯無他

事一歲看山一百迴

尹喜巖

太上流沙去不還猶餘真氣在函關不知元始真人
位玉局張卿第幾班

飛昇臺

鷺筵鳳管奏春風玉節金麾滿太空今日廣成或後
進不知何事戀崆峒

望僊臺

漢兵南下未央災魚服龍潛隧道開世外老翁何所
與君王空築望仙臺

禮斗臺

斗柄橫斜河漢微輕風欲襲五銖衣
鈞天一派初收響摘得金盤玉露歸

紫雲亭

日帝流光射後庭紫雲千古尚名亭
還應獨飽陰符句大赤天中一將星

自然庵

九轉神丹九已成如何依舊馬明生
由來上界愁官府散誕人間自在行

青羊澗

流沙西去失青牛却坐青羊向益州我效初平仍一叱可能分作釣魚裘

鬼谷淵

押圖書同用不同可甘王訓易僊宮欲知幽谷原名鬼六國游魂出此中

百花泉

密綠成帷紅作茵僊家日月號長春不須流出千般色一種桃花也殢人

甘泉

清澄絕朕漢甘泉一酌心魂自爽然應是武皇探未

分州山人雜錄卷之五十三
到不教僊觀表祈年

太乙池

淺碧泓停一鏡開
探醪欲酌更遲徊
孤峰倒插青蓮影
疑是真人坐葉來

向侍御宗洛登玄嶽奉贈得二絕句

均陽秋色未成寒
天杜峰頭雪欲殘
君到浮雲應不蔽
于今日出是長安

其二

一笑君家向子平
辭官五嶽問長生
何如柱史元僊骨
上到天門便玉京